







吾邑

其備

汲古

書

數

散

如

板

後

之

之

有

其

亦

以

以

若

之

有

其

亦

以

以

以



吾邑自明五川楊氏以藏書聞于時厥後秦西巖趙  
清常輩繼起皆以購訪古藉爲事至絳雲而集其成  
其儲藏之富讐勘之精稱雄海內迨劫燒之後尙有  
汲古毛氏述古錢氏兩家鼎峙羽翼之者有葉石君  
馮已蒼陸勅先諸君子互相搜訪有亡通假故當時  
數儲藏家者莫不以海虞爲稱首迨兩家陵替諸書  
散佚吾邑藏書之風浸微然亦未嘗絕也以余所聞  
如玉照席氏慶曾孫氏虞巖魚氏皆斤斤以雪抄露  
校衍其一脉惟多畱心于說部小集以一二零編自



喜而于經史之大者轉略焉今得月膏張子而曩日  
之風復振駸駸乎軼兩家而上之矣月膏少孤嗜學  
甫成童時其季父照曠主人刊太平御覽諸書卽與  
校讐少長益耽緗素十年來小大彙收今古並蓄而  
以宋元以上人撰述有裨經史者爲之主聞有古刻  
舊抄不惜多金購訪或繕抄秘閣或假錄相知彙前  
後所得合之先人舊藏已有八萬餘卷可謂盛矣又  
念唐宋元明四朝文章皆有總集惟金源氏有中國  
百十餘年大定明昌之間人文蔚起制作煥然自元

明以來未有哀集其文者遂矢志網羅散佚以補一  
朝之闕故于金元兩代遺籍更加意搜訪中如玉朋  
壽之類林孔元措之祖庭廣記蔡松年之明秀集註  
與吳宏道之中州啟劄皆當世絕無僅有之書尤藝  
林所欲爭先快覩者非信好之誠不能至是今夏曝  
書之暇取凡宋元舊刻暨新舊抄秩罕見之本凡三  
百八十種計一萬二千卷一切卮言小說不與其數  
度架別閣寫爲藏書志四卷其傳本久絕佚而復出  
者仿公武直齋之例畧爲解題意在存佚繼絕初不

欲示人也余笑謂之曰自來諸家書目每自私其有  
惟恐人知如讀書敏求記至舐篋而得傳爲佳話君  
之此編曷不公之于人俾當世讀書好古之士相與  
錄副流傳一破文人結習孰與抱殘守闕徒秘諸篋  
中之爲得耶月霄歛然因力縱臾之時方排印續通  
鑑長編遂輟其暇從事焉工竣爲弁數語于首云  
嘉慶庚辰六月初伏日友人黃廷鑑書

目錄之名自康成始其有序釋則七略別錄所由昉  
也然自郡齋讀書志直齋書錄解題外惟讀書敏求  
記畧述源流故儲藏家每艷稱之然卮言小說術數  
方技居其大半下至食經臥法鶻譜鴿論以及象戲  
之局少珠之棍種樹之書與夫雷神紀事之荒誕孟  
姜女集之無稽兼收博采並登簿錄雖小道可觀恐  
難語乎擇焉而精矣若傳注之羽翼經訓史籍之紀  
載朝章及有關學術政治之大者則寥寥數種半屬  
習見心竊惑之金吾年二十始有志藏弁更十年合

舊藏新得以卷計者不下八萬今夏略加詮次爲目錄一十卷繼又擇傳本較稀及宋元明初舊刊暨傳抄文瀾閣本另爲一編凡萬二千卷非有裨學問藉資考鏡者不與焉若有明及時賢著述時代既近搜羅較易故亦從畧其前此逸在名山未登柱史爲世所不經見者則間附數言以識流別名之曰愛日精廬藏書志方今

文治休明典籍賅備 七閣著錄浩如烟海集四部之大成昭千古之美富是區區者又奚足道抱殘守

闕掛一漏萬大懼無以塞侈然自足之譏然大以成大小以成小如鼠銜薑如蟲負版心有餘而力不足也至採錄之旨別擇之意視敏求記義例不無少殊孰得孰失必有能辨之者若夫矜宋刻之精標鈔帙之富則吾豈敢

嘉慶庚辰仲夏昭文張金吾識

愛日精廬藏書志目錄

卷一

經部

易類

書類

詩類

禮類

春秋類

孝經類



五經總義類

四書類

樂類

小學類

卷二

史部

正史類

編年類

紀事本末類

別史類

雜史類

詔令奏議類

傳記類

載記類

地理類

職官類

政書類

目錄類

史評類

卷三

子部

儒家類

兵家類

法家類

醫家類

天文算法類

術數類

藝術類

譜錄類

雜家類

類書類

小說類

釋家類

道家類

卷四

集部

分類目錄

分類目錄

別集類

總集類

詩話類

樂府類

愛日精廬藏書志卷一

昭文張金吾

經部

易類

周易注十卷

毛氏影寫宋相臺岳氏本 得之郡城顧氏

魏王弼注繫辭以下晉韓康伯注十卷畧例魏

王弼撰唐邢璣注前有璣序

易學辨惑一卷

文瀾閣傳抄本

宋邵伯溫撰

讀易詳說十卷

文瀾閣傳抄本

宋李光撰

周易窺餘十五卷

文瀾閣傳抄本

宋鄭剛中撰前有紹興壬申自序及莆陽陳俊

卿潘桂兩序

文瀾閣傳抄本

易變體義十二卷

宋都絜撰前有穎川曾幾范陽張九成兩序及

自序進書劄子

文瀾閣傳抄本

讀易舉要四卷

宋俞炎撰

易纂言外翼八卷

文瀾閣傳抄本

元吳澄撰前有自序

易學變通六卷

文瀾閣傳抄本

元曾貫撰

周易經義三卷

元刊本

得之同里李松門遵古堂

元涂潛生撰潛生字自昭宜黃人江西通志稱

其邃於易著有易義矜式經義考載潛生易主

意一卷注佚又引楊士奇曰易主意專為科舉

設近年獨廬陵謝子方有之以教學者於是吾

鄉學易者皆資於此未審卽此書否後附郡城

吳枚菴翌鳳先生跋

書類

柯山夏先生重修尙書詳解十六卷

影宋抄本 同里顧怡園得

四美堂書坊

宋夏僎撰前有淳熙丙午時瀾序經文下附錄

重言重意知其從麻沙坊本影寫者

尙書精義五十卷

文瀾閣傳抄本

宋黃倫撰前有淳熙庚子龍溪張鳳序及建安

余氏萬卷堂雕板序

讀書叢說六卷

舊抄本 書坊

得之郡城邵松巖西川堂

元許謙撰

書傳集解十二卷

明正統刊本 得之四美堂

項氏萬卷堂藏書

明黃諫撰前有蔡沈書集傳序諫字廷臣蘭州

人正統壬戌進士歷官至翰林院侍講學士謫

判廣州府被逮至京道卒是書以蔡傳爲主而

以唐宋金元諸儒之說與蔡傳相發明者分注

於下所採如宋胡氏旦

尚書演義

張氏景

書說

顧氏

臨尚書集解孫氏覺尚書義十述尚書解芸閣呂氏各大臨書傳龜

山楊氏書疑義張氏綱尚書講義李氏舜臣尚書小傳王氏

十朋尚書解王氏炎尚書小傳陳氏傅良尚書沙勉齋黃氏

尚書說鄒氏補之尚書說王氏日休尚書解張氏沂尚書說復齋

董氏尚書名綜義陳氏振係尚書說西山真氏尚書精義

介軒董氏尚書名夢程張氏震尚書小傳史氏仲午尚書說

史氏漸尚書說劉氏貞尚書橫舟尚李氏杞尚書謙齋陳氏梅

叟尚書說碧梧馬氏尚書名廷鸞陳氏普尚書補微金滹

南王氏尚書名若虛粹元鄒氏季友尚書音釋梁氏寅

書義其書今皆失傳藉此得畧見梗概一書傳而賴以傳者凡三十家是固研經者所當亟為表彰者也經義考著錄注未見

詩類

纂圖互注毛詩二十卷附毛詩舉要圖一卷宋刊本 毘陵

周氏九松迂叟藏書 得之四美堂書坊

漢毛亨傳鄭康成箋

穎濱詩傳十九卷先君子手抄本

宋蘇轍撰

詩總聞二十卷 舊抄本 得之四美堂書坊

宋王質撰前有自序及例言十則後有淳祐癸

卯吳興陳日強鋟梓跋中遇宋諱間有缺筆蓋

從宋刊本傳錄者

慈湖詩傳二十卷 文瀾閣傳抄本

宋楊簡撰前有自序

呂氏家塾讀詩記三十二卷 明嘉靖刊本 先生手批 得之同里

嚴氏

宋呂祖謙撰前有淳熙壬寅朱子序及嘉靖辛

卯古鄞陸鉞重刊序

叢桂毛詩集解二十五卷 舊抄本 得之四美堂書坊

宋段昌武撰前有淳祐八年行在國子監禁止

翻板公據原本三十卷今佚十五卷

劉氏詩說十二卷 影宋抄本 得之四美堂書坊

宋劉克撰前有自序後有淳祐六年克子坦跋

是書仿讀詩記例每篇條列諸家解而繫己說

于後所採視呂氏加詳坦鋟梓時刪去諸解獨

存克說與克所著書說並刊經義考云崑山徐

詩總聞二十卷

舊抄本

得之四美堂書坊

宋王質撰前有自序及例言十則後有淳祐癸

卯吳興陳日強鋟梓跋中遇宋諱間有缺筆蓋

從宋刊本傳錄者

慈湖詩傳二十卷

文瀾閣傳抄本

宋楊簡撰前有自序

呂氏家塾讀詩記三十二卷

明嘉靖刊本

先生手批 得之同里

嚴氏

宋呂祖謙撰前有淳熙壬寅朱子序及嘉靖辛

卯古鄞陸欽重刊序

叢桂毛詩集解二十五卷

舊抄本

得之四美堂書

宋段昌武撰前有淳祐八年行在國子監禁止

翻板公據原本三十卷今佚末五卷

劉氏詩說十二卷

影宋抄本

得之四美堂書坊

宋劉克撰前有自序後有淳祐六年克子坦跋

是書仿讀詩記例每篇條列諸家解而繫己說

于後所採視呂氏加詳坦鋟梓時刪去諸解獨

存克說與克所著書說並刊經義考云崑山徐



氏傳是樓藏有宋雕本此則從徐氏傳抄本過錄者缺卷二卷九卷十三卷

禮類

周禮詳解四十卷

文瀾閣傳抄本

宋王昭禹撰前有自序

周官總義三十卷

文瀾閣傳抄本

宋易祓撰

周禮集說十一卷

文瀾閣傳抄本

不著撰人名氏前有吳興陳友仁序 閣本缺

卷十一卷從韻溪 定球 兄藏明成化刊本補錄

周官集傳十六卷

文瀾閣傳抄本

元毛應龍撰

儀禮要義五十卷

影宋抄本 餘堂書坊

得之郡城施綱齋學

宋魏了翁撰

禮記月令一卷

宋巾箱本

得之郡城周氏

漢鄭康成注蓋宋刊禮記殘本也中如經萍始生十行本及閩監毛本俱誤萍為萍案鄭注萍萍也釋文萍步丁反水上浮萍則經文非萍明

甚此本作蒞與惠校宋本合注古者上公十行  
本及閩監毛本俱誤公爲古薤謂迨地刪草也  
十行本及閩監毛本俱誤地爲也仲秋命庶民  
畢入於室十行本閩本脫仲秋命庶四字監毛  
本命庶誤農隙此本俱與惠校宋本合足訂今  
本之誤又如經乃命虞人入山行木坊本無命  
乃字  
司徒循行積聚坊本司徒  
作有司均與石經考文提要  
所引南宋巾箱本合其爲宋刊本無疑後有婺  
州義烏酥谿蔣宅崇知齋刊兩行

月令解十二卷

文瀾閣傳抄本

宋張宓撰前有進表劄子

儀禮經傳通解續二十九卷

影元抄本  
得之四美  
堂書坊

宋黃幹撰卷十六至末則楊復所重修也前有  
寶祐癸丑金華王泌重刻通解及是書序又南  
康軍軍學教授丁抑崑山謝章兩序此本從元  
元統補刊本影寫中多缺文甚有三四頁全缺  
者蓋元本模糊寫者未敢臆填猶有謹慎不苟  
之意近呂氏刊本凡空白處皆以意聯屬如卷

一著之冠者

絞帶者繩帶也條疏

下計缺二百五十一字

呂氏據賈疏填補溢至三百七十七字此類不

可枚舉其以意聯屬顯然可知每思得元刊初

印本校補闕文俾是書復還舊觀此志若遂亦

藝林中一大快事也目錄後有元統三年六月

日刊補完成一條及結銜五行

家禮十卷

影宋抄本

得之四美堂書坊

宋朱子撰楊復附注劉垓孫增注汲古閣秘本書目讀書敏求記俱著錄

春秋類

春秋左氏傳續說十二卷

文瀾閣傳抄本

宋呂祖謙撰

左傳類編

抄本

從藹亭兄藏舊抄本傳錄

宋呂祖謙撰是書取內外傳事實制度論議分

十九則曰周曰齊曰晉曰楚曰吳越曰戎狄曰

附庸皆列國行事曰諸侯制度曰風俗曰禮曰

氏族曰官制曰財用曰刑曰兵制曰地理曰春

秋前事皆左氏所引唐虞以來典故曰論議則

左氏傳中論議之文也首日綱領凡十九門直  
齋書錄解題宋史藝文志俱著錄六卷傳是樓  
書目同經義考注佚伏讀

欽定四庫全書總目云左傳類編久無傳本此本首  
尾完整洵稱奇秘惟原本不分卷數今不敢意  
爲分析姑仍其舊云

春秋集傳十九卷

影元抄本

得之錢塘何氏

宋張洽撰前有端平二年繳省投進狀是書諸  
家書目俱未著錄經義考注佚伏讀

欽定四庫全書總目云集注遺本僅存集傳則佚之

久矣今讀其書統會羣言掎擊僞辨尊王黜霸

大義凜然凡二百四十二年之事與漢唐以來

諸儒之議論莫不考覈研究以成一家之書其

采集衆說以一家爲主而以諸家之說可互相

證明者附注於下所採自三傳外於晉唐則杜

預啖助

趙匡

陸淳

於宋則二孫

覺復

二劉

敞

伊川

程氏

頤

襄陵許氏

翰

武夷胡氏

安

之說居多餘

若唐孔氏

達

宋蘇氏

轍

呂氏

中

胡氏

寧

以及王

氏石氏任氏景氏范氏各俱未詳諸家則偶一採取

不多也洽亦間附己說如隱公元年春王正月

公即位辨析至詳附注幾及千言皆集注所未

及是固當與集注並行而不可偏廢者也此本

從元刊本影寫繳省投進狀後有延祐甲寅李

教授捐俸補刊於臨江路學一條原本二十六

卷今佚卷十八至二十卷二十三至末共七卷

孝經類

孝經述注一卷

文瀾閣傳抄本

明項霽撰前有臨川黃昭序

五經總義類

經典釋文殘本一卷

宋刊本 城顧氏 汲古閣藏書 得之郡

唐陸德明撰存左氏音義之六一卷卷末有國

子監崇文閣官書借讀者必須愛護損壞闕失

典掌者不許收受印記知係明代官書後歸汲

古閣者附臧在東鏞堂先生跋

六經四書講稿六卷

舊抄本 得之遵古堂書坊

宋黃仲元撰前有仲元事迹後有嘉靖丙午仲

元九世孫文炳跋

九經疑難四卷

抄本

從照曠閣抄本傳錄

宋張文伯撰文伯字正夫樵陽人前有自序是書千頃堂書目經義考俱著錄十卷今存易詩書三經四卷餘佚此係淡生堂舊抄本照曠叔父從之傳錄者其書雖爲場屋設然唐宋諸儒說經之文摺摭不少亦足廣見聞資考訂也

四書類

四書待問二十二卷

舊抄本

得之四美堂書坊

元蕭鎰撰鎰字南金臨江人前有泰定甲子自序及長沙李存蒼叢叢述蒼叢續抄兩序凡四書互義五卷論語七卷大學中庸各二卷孟子六卷注蒼叢者鎰所自作注自修者則龍江歐陽蒙所作出所採凡朱子張宣公謝諤黃幹陳淳輔廣陳傅良陳孔碩蔡淵陳埴真德秀葉味道蔡模一十三家人率以朱子之說爲主而以己意貫穿之於四子書頗多發明是書千頃堂書目傳是樓書目俱著錄錢氏補元史藝文志

止載八卷殆未見足本歟

讀四書叢說六卷

元刊本

得之四美堂書坊

元許謙撰案元史本傳載謙四書叢說二十卷經義考云未見伏讀

欽定四庫全書總目云四書叢說凡大學一卷中庸一卷孟子二卷中庸闕其半論語則已全佚蓋世已久不見全書矣是編係元槧初印本凡論語上下兩卷中庸孟子各二卷闕大學一卷論語中一卷

讀四書叢說八卷

舊抄本  
齋書坊

得之郡城胡葦洲經義

元許謙撰是編係舊抄本凡大學一卷論語三卷中庸孟子各二卷合八卷首尾完整並無闕佚惟與元史本傳所載二十卷之數不符或刊板時合併歟

樂類

聖宋皇祐新樂圖記三卷

影宋抄本  
贈郭小若姊夫

宋阮逸胡瑗撰卷末有皇祐五年十月初三日奉聖旨開板印造一條後附陳振孫跋及元天

歷二年吳壽民明萬歷三十九年趙開美兩跋

小學類

爾雅注疏十一卷

元刊本  
里葉氏

汲古閣藏書

得之同

晉郭璞注宋邢昺疏前有昺序爾雅注疏無南  
宋十行本除北宋單疏本外以此本爲最古是  
編全書俱係元槧絕無明代補刊者蓋元刊元  
印本也

爾雅新義二十卷

抄本

從照曠閣抄本傳錄

宋陸佃撰前有元符二年自序後附嚴元照跋

是書自出新裁類多創解卽其釋爾雅二字之  
義已極奇闢其說曰萬物汝故有之是書能爲  
爾正非能與爾以其所無也名之曰爾雅以此  
以爾爲爾汝之爾古人從無此解取名新義職  
此之由其中穿鑿者固多而精確者亦不少如  
林之爲君取庇之之義蓆之爲大取安之之義  
饑取義乎猶有可幾僅取名於僅可以食光耀  
布上故祭星曰布衆多如雲故雲孫曰雲有善  
祥隨此祥之所以訓善也以罪見戮此戮之所



以訓病也皆足補郭注所未及至若釋木鹿木符婁注云木病偃僂臃腫本樊光注釋樂小者謂之棧注云棧云淺矣本李巡注釋天東風謂之谷風注云谷風生物之風本孫炎注釋宮四達謂之衢注云交道四出本郭璞注釋訓子之子爲孫注云子又有子於是當遜矣則義本釋名釋宮九達謂之達注云達龜也似龜背故謂之達則義本說文江之爲貢園之爲援此風俗通之說也訓父爲矩訓姊爲咨此白虎通之說

也祖者且也則本之檀弓子者致也則本之廣雅積小以大爲丕則本之法言處獨之善曰緜則本之中論精意以享曰禋則本之馬君書注可以援人曰媛則本之鄭氏詩箋知其擇善而從所採不止荆公字說也陳振孫曰大率不出王氏之學斯言過矣至其所據經文猶北宋善本足以訂正今本者嚴跋敘之已詳不更贅

敘古千文一卷

舊抄本

得之郡城顧氏

宋胡寅撰首敘天地人物之初次及歷代治亂

之迹闡濂洛之道闢釋老之言綱領宏開本末兼備朱子題其書曰敘事立言昭陳法戒實有春秋經世之志至於發明道義開示德門又於卒章深致意焉其推挹可謂至矣郡齋讀書志著錄

說文解字補義十二卷

元刊本

得之遵古堂書坊

元包希魯撰希魯字魯伯進賢人學問該博操行高潔門人受業者必先學問而後文藝士習爲之一新稱之曰忠文先生是書前有至正乙

未自序止存末頁一頁而畏天憫人之心居今反古之志一篇之中三致意焉若不求聞達屏絕私欲皆粹然儒者之言讀其序可以知其書且可以知其人也其書依五音韻譜例分四聲編次凡上平下平各二卷上聲四卷去聲一卷入聲三卷釋位字云論語曰不患無位患所以立故有位者人之所當立故從人立釋利字云天以美利利乎人莫大乎五穀禾五穀之總名也然必銍乂而後成其利也故從刀從禾其說

皆極精核釋母字云春秋傳曰女德無極詩云  
女也不爽蓋為女子者當不亂其德而戒無厭  
也故從女一者一其心而使不二也一者端純  
之義也惟執一而後能禁止其無厭之德而不  
爽也故從女從一女有奸之者其說戾於理釋  
家字云家古文從宀從众众三人聚處也蓋人  
之為家必有父母夫婦子孫始可成家此所以  
從众也蓋众字與豕字相類皆以六筆成字後  
世傳寫之變釋王字云普天之下莫非王土一

土為王其說雖與許君違異然皆有義可通足  
資參考至若釋從字而指事之義明釋離字而  
假借之說著釋東字而轉注之類顯釋工字而  
會意之屬通知其究心於六書者深矣至其借  
字義以寓箴規若官則勵以芘民恤下才則勉  
以論道經邦斥自暴自棄之不得為人論記誦  
詞章之不可稱儒于俗字則諄諄乎移風易俗  
之原于仁字則兢兢乎天理人欲之分此又作  
者微意所在欲後人深思而默會者也焦氏經

籍志傳是樓書目錢氏補元史藝文志俱著錄  
此本猶是元時舊槧予從李松門滋書坊中以  
廉值得之如獲奇珍瓌寶思欲據爲帳中秘矣  
適錢塘何夢華元錫先生過予齋頭見之擊賞  
不置欲從予假錄副本予以希魯著述甚富見  
於補元史藝文志及萬姓統譜者今皆散佚無  
傳惟是書僅存茲旣幸歸予手若不公諸同好  
廣爲傳布則雖寶如球璧什襲而藏於是書何  
裨於予又何裨且予喜藏書不能令子孫亦喜

藏書聚散無常世守難必卽使能守或童僕狼  
藉或水火告災一有不慎遂成斷種則予且爲  
包氏之罪人用倩善書者錄副以贈予之不敢  
自秘正予之寶愛是書也

龍龕手鑑四卷

先君子影寫宋刊本

遼釋行均撰前有統和十五年丁酉燕臺憫忠  
寺沙門智光字法炬序蓋宋太宗至道三年也  
此本先君子於乾隆丁酉從席甸淮世宣舅氏  
家藏宋刊本影寫者每頁二十行行二十四字

至三十二字不等

六書統二十卷

元刊本 得之書友盧斐園

元楊桓撰至大丙申桓子守義進於朝詔下江浙鏤板前有自序及翰林直學七倪堅國子博士劉泰兩序末有□□三年八月江浙等處儒學提舉余謙補修一行三年上二字糊糝不可辨予家藏影寫元統刊本儀禮經傳通解續目錄後亦有江浙等處儒學提舉余謙銜名則三年上當是元統二字蓋至大刊板元統補修之

本也

六書統泝源十三卷

元刊本 得之書友盧斐園

元楊桓撰是書

四庫全書存目所載止十二

卷此本十三卷與錢氏補元史藝文志合行款版式與前書同字畫亦屬清朗當係同時刊板同時摹印者

應子篆法偏旁點畫辨一卷辨釋篆法辨一卷

明刊本

得之遵古堂書坊

元應在撰前有自序從舊抄本補錄是書根據

篆書以訂隸楷之誤取俗書之戾於篆者辨正  
點畫剖析毫釐括作七言詩歌以便誦讀冠之  
篇首曰篆法偏旁點畫辨在又自爲之注曰辨  
釋篆法辨其書刊謬訂誤至爲精密非究心篆  
法者不及此述古堂書目倪氏補元史藝文志  
俱著錄皆未詳其名知其未見自序也伏讀  
欽定佩文齋書畫譜有元應在篆法辨訣採入卷四  
論書卽篆法偏旁點畫辨也

篆法偏旁點畫辨一卷

舊抄本

得之西山堂書坊

元應在撰前有句章堃謁應在止善甫序

集韻十卷

余仲林先生校宋本

得之郟城周氏

宋丁度撰

切韻指掌圖一卷

抄本

從陳君子準藏舊抄本影

宋司馬光撰 四庫全書著錄本係從永樂大

典錄出者此則原本也前有自序及嘉定癸亥

番陽董南一序首曰切韻指掌圖要括或卽溫

公之檢例歟

古今韻會舉要三十卷

元刊本

得之西山堂書坊

元熊忠撰前有自序及劉辰翁序

增廣鐘鼎篆韻七卷

舊抄本

善藏

元楊鉤撰鉤字信文臨江人前有延祐甲寅前集賢待制承事郎馮子振豫章熊朋來兩序宋政和中主管衡州露仙觀王楚作鐘鼎篆韻一卷紹興中通直郎薛尙功廣之爲七卷信文又博采金石奇古之迹益以党世傑集韻補所未備其所增則以楊增二字別之依唐韻編次而以象形奇字等篇終焉世傑名懷英金翰林學

士承旨中州集及金史本傳俱未載其著有集韻諸家書目亦從未著錄金源著述傳世絕稀如集韻之湮沒者蓋不知凡幾金吾哀集金文凡金人撰述加意購訪近年來如何君夢華所得之祖庭廣記陳君子準所得之明秀集注暨金吾所得之類林俱絕無僅有之書方今

文治休明遺書日出如集韻者安知不尙存天壤間耶竊願與同志共訪之是書文淵閣書目毛氏秘書書目讀書敏求記俱著錄錢氏補元史藝

文志作五卷或未見足本歟馮序後有洪熙殿  
書籍印記末有海虞除煩居士從文淵閣本影  
寫一條除煩居士未詳何時人

愛日精廬藏書志卷一終



